

БӨЛІМ: МҰҚАҒАЛИ МАҚАТАЕВ / ӨЛЕҢДЕР

Москвадан кетерде

ЖАРИЯЛАНДЫ 23.01.2023	ТІРЕК СӨЗДЕР Мұқағали Мақатаев	СІЛТЕМЕ https://bilimger.kz/129853/
--------------------------	-----------------------------------	--

МОСКВАДАН КЕТЕРДЕ

Ұлиды боран,
Қарып тұр.
Сауықтыр мені, сауықтыр
Боранын-дағы Мәскеудің
Сімірейінші қанып бір.
Қылаулап, қылау жауып тұр,
Жалықтыр мейлі, жабықтыр.
Аспанның мынау ақ құсы
Тезірек ұшпай нағып тұр?!
Ұша алмай әзір налып құр
Ұшуды көксеп халық тұр.
Бәрі де бойын жазбақшы,
Кеңірек жерге барып бір.
Үйреніп қалған ұямдай,
Мәскеуді барам қия алмай.
Миллиондардың ішіне
Бір басым менің сия алмай
Еңсемді бір сәт жия алмай,
Не бетімді айттым, Алматым,
Не деймін саған ұялмай?...
Таңғы шақ.
Аяз сорып тұр.
Соғып тұр боран, соғып тұр.
Ақ құсым, мені аман-сау
Алматымменен жолықтыр.
Мұқағали Мақатаев

ҚМ АА Куәлік нөмірі: **KZ45VPY00102718** — ҚР Мәдениет және Ақпарат министрлігі

© 2026 **Bilimger.kz** Ақпараттық-танымдық білім порталы. Барлық мазмұн авторлық құқықпен қорғалған.